

彭澤縣志卷之三

建置

城垣坊表

公署津梁

倉版郵傳

陸軍

軍衛

兵防

記曰有其舉之莫敢廢也有其廢之莫敢舉也其說固然而亦有不盡然者世代有遞遷山川有更變形勢有利便政治有因革往往昔之所有而今無之昔之所無而今有之彭邑幾經移徙而人民輻輳聯絡防衛水陸通衢行李四達今之視昔其改舊而圖新者知不可以一二數也存者詳之廢者畧之舊者仍之新者增之庶後之人有所考焉志建置

城垣

邑治三面環山高者數百仞巖壁陡峻天然險阻惟臨江

一面平衍宋元止設土城明初尙仍其舊宏治間知縣王琦於東南二嶺設柵門城西中街口立通衢門正德間流賊剽掠知縣何士鳳於臨江處列柵爲守嘉靖初知縣曾崇撤舊創新并建二木門三年九江兵備副使謝公廸建議易以磚城命知縣李孟熹料理甃築左起鳳凰右連丫髻亘長一百七十四步連塚子高者僅七尺濶五尺闢二門每門建樓一座西扁曰大觀北扁曰拱辰六年知縣柯遷先創北城上串樓百餘間續於南嶺空處補城四十六步門扁曰文明東嶺空處補城四十二步門扁曰賓日三賢祠後空處各補城四十餘步環山左右凡可通人跡者悉因宋元故址壘石爲堞四周畧具而猶未完盜賊不時

潛入至萬歷初署印本府通判葉朝榮閱視建議翻砌加增缺者補之卑者高之仄者移之隘者闢之治馬道通行登城由是保障有賴

國朝乾隆八年知縣李松泰請帑修築計週五里一千零七十二丈五尺崇一丈二尺不等自賓日門至文明門長三百一十八丈五尺文明門至大觀門長三百七十五丈五尺大觀門至拱辰門長四十七丈拱辰門至賓日門長三百三十一丈五尺外城崇一丈二尺者計長一百七十五丈馬道計長五百三十二丈山險無馬道處計長五百四十丈五尺山巔崇八尺者長一百八十一丈崇九尺者長一百七十六丈五尺動帑金六千五百四十八兩二錢

黃澤縣志 卷之三

一分三毫

縣城自前明萬曆至今閱一百六十餘年頽壞已久知縣李松泰於乾隆九年二月請帑興工日率縣尉王名爵巡檢朱宏道營千總何雲龍分段督工至十年四月工竣中以南門樓座有壓

聖宮龍脉推擴十數步北門廂方未吉改建樓櫓事儉民便昔爲殘缺之域今則保障無虞守禦有資矣

舊志

嘉慶十二年知縣鄒文炳重築東南二門外屏牆

### 公署

縣治在東南山下元末兵燬明洪武元年知縣黃安泰卽宋元舊址建德政廳明恕堂左右列六房廳前二十步爲

戒石亭亭前十餘步爲儀門儀門前數步爲旣濟池池前數步爲大門自儀門北轉三十步爲譙樓譙樓前十餘步爲總憲尙書父子進士牌坊堂後少右十餘步爲知縣廳廳左十餘步爲縣丞廳

宣德二年官裁廳廢

堂左十餘步爲典史廳

右十餘步爲主簿廳

宣德年間官裁廳廢

幕廳居正廳之右吏舍居

丞廳之西土地祠居吏舍之北正德六年知縣何士鳳以

堂傾址卑悉撤舊構運土崇基創廳曰牧愛堂曰景賢次

六房次儀門先後落成嘉靖己亥知縣林時暢改修廳舍

明年冬月縣廳堂庫火時暢權宜甃壁架梁爲堂三間移

置申明旌善二亭於旣濟池左右申明面北旌善面南嘉

靖丁未知縣劉廷賓創廳三間扁曰節愛改創譙樓視昔

頗爲宏敞監房在儀門內右舊制西向  
國朝康熙十一年縣令喻良改建向北廳堂內廨儀門吏  
舍悉撤重修獨缺大門未建

乾隆三年知縣李松泰建鏡山堂一間宅門三間遞年修  
建大堂增高二堂基址三間建甬道

上諭牌坊一座大門牌坊一座科房一十八間改建三堂  
右書房二間餘房二間三堂南書房三間餘房二間廚房  
二間內書房五間住房七間內大門一座旁書房一間後  
房五間庫房二間俱係捐廉建造

舊志

乾隆三十七年知縣李鐸撤申明亭并勸吏員程學鴻捐  
出房屋五間圍基一方開署前向東北大路

儀仗庫

舊在縣廳後

黃冊庫

在縣治左

收支庫

舊在縣廳後

架閣庫

在縣治右今俱廢

典史署在治右十餘步明宣德年間建

國朝典史王子綱構聞喜亭於廨內典史何正宗建後廨  
屋三間典史王名爵建書房二間典史陸崧修建大堂三  
間

巡檢署在縣治北三十里馬當鎮洪武十六年建  
國朝嘉慶十八年巡檢陳漢九重修

廢署

附

察院行署在縣治北

布政分司行署舊在縣治西北原三皇廟舊址府志在澄

清坊正統七年建

按察分司行署舊在縣治東北

九江道行署舊在澄清坊王琦重建

府行署明宏治間知縣張顯典史余欽卽讀書巖右尉司舊址建

峰山磯鎮巡檢署舊在縣南建安鄉峰山磯

仰天池河泊所署舊在縣治東北三十里蛾眉洲尾洪武元年建

黃土港河泊所署舊在縣治西南二十里五柳鄉洪武元年建

稅課司署舊在縣治西門內

龍城驛署舊在縣治北察院公館右古名彭澤水驛明洪武九年改爲龍城驛在署左土地祠右雍正八年裁缺舊署廢爲常平倉址

醫學縣治更舍左

僧會司普明寺前

道會司舊址在舊縣五柳鄉修真觀後遷置本縣治以上俱廢

陰陽學縣治西門內稅課局故址久廢經邑令李松泰以

普明寺前空基一截給之有卷

廢廨附

尉司

在縣治西與讀書巖相峙宋紹聖間尉石振建元末兵廢今儒學是其故址

鹽務

在縣治北元大德間縣尉和裕建元末兵廢改為稅課局明正統間亦廢

酒稅務

在縣南宋紹聖間石振建元末兵廢故址爲民居

迎恩樓

舊在龍城驛廢址前今圮

倉廩

穀數見積貯

常平倉在縣治內原廩四十三間乾隆七年知縣李松泰添建八間添換五間乾隆九年詳請添建十一間乾隆十年又詳請添建六間通計七十三間俱磚砌瓦覆

關義倉於常平倉內撥廩收貯

社倉縣署左及鄉市寺觀建設分貯 一二坊一二五都十三十五都倉在縣治左 一二坊倉在上石峰嶺寺內 三都三十三都倉在馬當鎮巡司署側 四都五六都

倉在漢溪港新廟內 七都倉一在徐家祠內一在柯家祠內 九都倉在社廟內 十二都倉一在寶泉寺一在安竺寺 十三都倉在社公廟內 二十都倉一在法通寺內一在柯家祠內一在方家祠內 二十五都倉在法濟寺內 三十都倉在妙智寺內

保甲

周官大司徒施教法於邦國都鄙令五家爲比使之相保五比爲閭使之相受又族師五家爲比十家爲聯此保甲之法所由昉也管敬仲之軌連有制鄭子產之都鄙有章仲長統之言於漢蘇威之行於隋皆此制也至宋熙寧崇代募兵因王安石誤執賈疏軍政之說而忘其爲體國經

野安養興教之大法乃不善行之失豈法之弊乎明文  
成議曰補其偏而救其弊則賦役可均連其伍而制其什  
則外侮可禦警其薄而勸其厚則風俗可淳導以德而訓  
以學則禮樂可興凡有司之高才遠識者亦不必更立法  
制但循此而潤色修舉之則一邑之治真可不勞而致又  
曰連屬其形勢輯睦其鄰里務要治官如家愛民如子富  
哉言乎本末具舉矣  
國家功令最重保甲

列聖諭訓煌煌臣工奉行凡一切政教之及民者必於此  
是稽而前志未載踈莫甚焉至於坊鄉市鎮都圖各地名  
目不一而統之以保甲則無不一者著之於篇俾山川人

物有所麗云

董榕

縣治二坊

一坊在大街東北至關家橋楓門以南

二坊在大街西南至袁家山高橋以西

城內分五街

市中街通大江邊

市東街通邑厲壇

市南街通山川壇

市西街通社稷壇

市北街通新司

今爲城守營

縣治分四鄉一十六都都分十甲甲有里長

里役今革

新興鄉在縣治東北

舊有九都今併爲七

第一都

第二都

第三都

第四都

第五都 第十二都 第三十三都

五柳鄉在縣治南 舊有四都今併為三

第十三都 第十五都 第三十都

建安鄉在縣治西 舊有九都今併為二

第二十都 第二十五都

大平鄉在縣治東南 舊有九都今併為四

第六都 第七都 第八都 第九都

附郭 一坊 東門三保 北門三保

二坊 南門四保 西門一保

新興鄉 一都 平鄉寨 上保 下保

二都 東寨保 西寨保

南寨保 北寨保 共 甲

三都 中寨保 清涼寨保

東寨保 南寨保 共 甲

西寨保 北寨保 共 甲

四都 沈灣寨保 鷺山寨保

黃山寨保 共 甲

五都 中寨保 東寨保

西寨保 共 甲

十二都 東寨保 西寨保

南寨保 北寨保 共 甲

三十三都 六股寨保 接源寨保



蕭老寨保

魏家寨保

汪家寨保

周家寨保

余家寨保

磨盤寨保

白沙寨保

王家寨保

蔣家寨保

孫家寨保

沙灣寨保

絲茅寨保

五柳鄉

十三都

長嶺寨保

清竹寨保

永安寨上保

共甲

十五都

裡柵寨保

長樂寨保

楊塘寨保

黃土寨保

三十都

定安寨保

獨山寨保

共甲

柘林寨保

湖西寨保

仁磯寨保

黃土寨保

妙智寨保

共甲

建安鄉

二十都

黃土寨保

永寧寨保

法通寨保

厚旗寨保

長西寨保

龍池寨保

箬嶺寨保

共甲

二十五都懸魚寨保

白頭寨保

富鄉寨保

武山寨保

前武寨保

梧桐寨保

太平鄉

六都

東寨保

西寨保

共甲

南寨保

北寨保

七都

平安寨

上保 下保

共

甲

八都

橫山寨保

高坂寨

上保 下保

共

甲

九都

中寨保

東寨保

大功寨

左保 右保

西寨保

南寨保

共

甲

北寨保

軍衛

九江衛明洪武初僞漢既平沿江州縣土曠民稀募軍分屯於守禦之中收耕穫之利所謂養兵百萬不費朝廷斗粟者也縣治如太平坂烏砂坂古樓坂暨大江西北岸洲

地九衛撥軍墾種設指揮使千百戶統之迄今有裔者謂之本軍絕為故軍領種故屯更名入冊為頂佃賦由衛徵康熙九年因衛弁恣橫苛虐軍佃爰撤管屯守脩就近改歸縣轄至差徭則軍民攸分不相攙越也

漕船明洪武都金陵時九江衛漕船六十二隻只運下江漕糧成化間增移江南船一百三隻九軍代運共計一百六十五隻

國朝初以一百三隻領運江西糧米以六十二隻領運江南池州糧米康熙九年改設前後兩帮前帮一百三隻後帮六十二隻受兌江西漕米雍正元年

題允將九前漕船四十隻撥入鉛山所又將一十三隻撥

入廣信所本帮祇存五十隻現由本邑僉選造運者計四隻餘悉本郡化安瑞及南康府之星子縣經理

屯田九江衛坐落九南二郡原額屯田地一千八百一十七頃八十畝有奇內除荒並續報墾現在成熟屯田地一千四百九十四頃一十八畝零原計五千八百餘分除逃絕坍荒實存三千八百餘分每分多寡不一有相去一二三倍者其中有領造領運之屯曰正軍卽屢奉部咨所謂隨船運田不許擅典擅受有照例津貼之田曰散軍卽部咨所謂各船散屯仍照舊例津貼其在山鄉平原則科籽粒米洲土則科麥豆糧又有荒屯變爲蘆課者仍照例分別津運彭屬實在成熟屯田地七十五頃一十九畝零

雜是逃絕過甚今僅存本軍一十八戶及在化邑編審者三戶自萬歷丈後至今百六十餘年坍荒隱估莫可究詰且此項屯糧解藩庫銀二十八兩零解糧庫漕運銀五百六兩零卽蒙

恩蠲豁糧庫漕運例不免徵近以運丁報散僉屯株累不已咸視屯產爲贅疣幸司漕者亟爲整頓可也

帮貼九江衛原額每船編屯四十七分自倍造漕艘一甲均爲二分每船撥田二十三分半首二三戶領造領運餘戶帮貼其首二三戶之中或一姓獨肩造運或二戶朋勦或三戶輪流原視戶之殷疲丁之衆寡報僉不及散戶每船例僉正副二丁如力或不支有二三丁朋爲一丁者有

按股輪年遞運者至於每分屯業十年貼新造銀五兩每年貼起運銀二兩第屯有腴瘠不同收取勢難畫一惟視屯糧爲差等而已

南昌衛廼江西省南昌前左二衛於洪武初年募軍開墾其屯任彭澤縣及江南池州府東流建德二縣隸南昌衛前屯本府德化德安瑞昌及南康府星子縣隸南昌衛左屯二衛各設指揮使千百戶統轄屯彭地方則定山二百戶上潦洪三百戶楊梓橋建德九都新田坂下隅坂磨盤洲等處康熙九年改歸縣徵至承辦事宜南九二衛分設經胥管理凡屯田錢糧餘租僉選造運咸責成焉

漕船南昌前後二帮原額漕船二百二十二隻每船旗丁

一名散軍九名明初先支運軍民各運其半嗣更爲兌運爲長運凡五易其法迨我

朝循前明之舊仍爲長運貧疲不能承運之艘多請減歇以致船不及額迨雍正元年十一月內前漕憲張以南昌前後二帮暨九江前帮船多丁衆領運千總一員勢難前後照管

題撥於廣信等帮現今南前本帮存留二伍計船六十隻以二十二隻撥入袁州衛以二十五隻撥入安福所合計南前共現運船一百七隻減存船四隻南後本帮存留二伍計船五十九隻以二十六隻撥入廣信所以二十四隻撥入饒州所合計南後共現運船一百九隻減存船三隻

彭邑經僉現運南前本帮船三隻撥入安福所船七隻撥入袁州衛船二隻現運南後本帮船八隻撥入廣信所船三隻撥入饒州所船三隻通共二十六隻內有與他邑朋運者僅僉正副一丁餘船行僉則南昌臨江瑞州撫州饒州廣信南康九江八府二十七州縣暨江南池州府東流縣僉殷發帮官駕但各軍戶祇南康九江池州三府所屬有額戶田產有分切米冊不能詭脫其南昌臨瑞撫饒廣六郡向緣分防入籍並無祖墾屯產曩年編審冊冠以祖軍及實在丁名可稽迨雍正五年後申憲編冊遵式刪去祖戶致有捏報故絕疲頂殷濶等弊此運丁日窘所由來也明季一旗九散迨乾隆六年南後抖分每船三四散不

等南前尙未撥分亦以散不敷撥之故且彭邑康熙初年僅有丁船十五隻今則奉僉二十六隻此外尙有飛僉窮困旗散其何以堪

屯田南昌衛前左二屯原額屯田地基山塘堰共一千七百二十二頃六十一畝四分八厘三毫零除坍塌荒外現今成熟田地基山塘堰共一千五百八十八頃五十一畝一厘二毫零坐落九江南康池州三府屬雍正五年池屬之東流建德二縣屯田錢糧改解江南屯仍南衛差徭彭澤縣實計成熟屯田地基山塘堰五百五十七頃三十畝七分二厘八毫三絲九忽五微五纖八沙坐落定山二百戶上潦洪等十地方

帮貼南衛屯田於康熙三十年撥屯每船撥給田地基山塘堰六百二十九畝零尙有老荒在內向年每畝田收餘租銀三分市平色銀迨乾隆五年奉文徵解縣屬本屯田每畝徵銀三分磨盤洲地每畝徵銀一分五厘民佃屯田每畝徵租息銀三厘一絲五忽三微一纖八沙本縣計共徵銀一千一百五十八兩一錢三分九厘一毫零東流縣計徵每畝田三分銀七十三兩一分四毫零德化縣計徵屯田每畝三分銀七百四十五兩八錢四分三厘零又豐郭洲地每畝徵六厘七毫四絲九忽七纖一沙銀二十一兩三錢七分九厘三毫零又桑洛洲地每畝徵八厘九毫七絲七忽六微七沙八塵六埃二渺銀一百三十五兩四

錢四厘二毫四絲零德安縣計徵每畝田三分銀一千二十九兩六錢七分五厘六毫零瑞昌縣計徵每畝田三分銀二百三十一兩九錢一分四厘零星子縣計徵每畝田三分銀一百五十二兩二錢四厘零通計前左二衛坐落彭澤星子德化德安瑞昌及江南東流建德等縣共成熟屯田地基山塘堰一千五百八十八頃五十一畝一厘二毫八絲七忽四微五纖八沙內除建德未納餘租並隨田地基山塘堰不科外實徵餘租銀三千五百四十七兩五錢七分一厘五毫四絲二忽五微一纖五沙以現運二百一十六船計之每船可得餘租銀一十六兩四錢二分三厘九毫零每船約四散或三散每散歲貼撐攜銀四兩及

二三兩不一新造視散軍之殷疲酌津費之多寡無定額建德縣屯田順治十四年南前汪守備造送各憲冊載故軍六十五戶乃民人頂種軍田應照東流縣民種屯田一例徵解餘租迺稱爲民補不納餘租既屬民業何冠以故軍名目且與東流縣錢糧俱於雍正五年改解江南未經派徵丁銀律以乾隆元年閩省汀洲衛改歸西省之例似有參差也

舊志論

附載屯租

九江衛故軍劉文彩巴都兒孫伴兒朱世光原額屯洲四分每分除完屯糧仍貼運銀八錢共銀三兩二錢地在洋灣洲坍沒後續淤蘆洲丈陞九軍廳經徵蘆課仍照屯例納租此四分在撥分之外其銀向爲巡道衙門旗幟之用今徵解藩庫給發救生船水手工食

附載禁碑

康熙六年南昌衛士民金伏五嚴官伍等爲懇恩釐弊甦困以肅屯政事遵奉

巡撫部院董批准勒石頒示條約現植火帝廟前

一兌銀卽給串票

一法碼定諸 藩頒

一由單外不許加添火耗

一浮需雜派盡行禁止

兵防

駐防縣城千總一員兵二十一名營房八間柵欄一圍頭門一座乾隆三十二年改左哨把總兵三十名

縣治濱江負山水陸衝衢形勢險阻爲上游七省扼塞且界接江南楚省壤錯饒南九黃皖池六府七縣一衛良頑雜選宜宿兵防禦用戒不虞雖太平

盛世無事言兵第未雨綢繆不可不先事預籌也舊志

分防蕭家嶺右哨外委千總一員兵七名營房十二間望樓一座烟墩三座牌坊一座柵欄一圍乾隆三十二年改右哨外委把總

蕭家嶺在縣南九十里與鄱陽縣接壤崇山環遶中通一徑昔因土賊流入設汛彈壓堵禦與防縣弁兵俱隸

九南協今屬九南鎮

南湖水師營所轄七汛於乾隆三十二年內將泥頭嘴改移老洲頭

分防小孤汛汛把總一員兵十二名營房七間烟墩三座望樓一座牌坊一座柵欄一圍塘船一隻在縣治下游五里南至鐵爐山汛十里北至峰火磯汛十里江東岬乾隆三十二年改左哨外委把總兵八名

漏灌口汛兵四名營房三間烟墩三座望樓一座牌坊一座柵欄一圍塘船一隻西南至尖山墩汛一里北至小孤汛十里至縣城五里江南岸由鐵爐山移置

尖山墩汛兵四名營房三間烟墩三座望樓一座牌坊一



座柵欄一圍塘船一隻西至時家渡汎十五里東北至鐵爐山汎十里至縣城十五里江南岸

金剛料汎兵四名營房三間烟墩三座望樓一座牌坊一座柵欄一圍塘船一隻東至陳君滄汎十五里至縣二十里江北岸

陳君滄汎兵四名營房三間烟墩三座望樓一座牌坊一座柵欄一圍塘船一隻北至泥頭嘴汎十五里西至金剛料汎二十里縣城對江七里江北岸

陳君滄汎原設於宿松縣洲地沙包頭嗣坍入大江因遷設於此汎房基址係蘆洲出字號貢生丁春等捐地濶三丈二尺後至營房滴水前至望樓

石案 舊志

時家渡汎係大孤塘千總撥兵四名營房三間烟墩三座望樓一座牌坊一座柵欄一圍塘船一隻東至尖山墩汎十五里西至湖口縣黃茅潭汎十五里至縣城三十里江南岸

泥頭嘴汎今移老洲頭

安慶水師營所轄六汎乾隆二十六年改歸南湖營

烽火磯汎兵四名營房三間烟墩三座望樓一座牌坊一座柵欄一圍塘船一隻南至小孤汎汎十里北至馬當鎮汎十五里至縣城二十里

馬當鎮汎兵四名營房三間烟墩三座望樓一座牌坊一座柵欄一圍塘船一隻北至東流縣屬响水磯十里南至

烽火磯汎十五里至縣城四十五里江東岸

茅湖洲汎兵四名營房三間烟墩三座望樓一座牌坊一

座柵欄一圍塘船一隻南至泥頭嘴汎十里北至魏家汎

汎十五里至縣城三十里江西岸

喻家汎汎兵四名營房三間烟墩三座望樓一座牌坊一

座柵欄一圍塘船一隻南至茅湖洲汎十五里北至沙灣

汎十里至縣城四十里江西岸 按魏家汎營冊作喻

沙灣汎兵四名營房三間烟墩三座望樓一座牌坊一座

柵欄一圍塘船一隻南至魏家汎汎十里北至望江華陽

鎮汎十里至縣城六十里江西岸

余家洲大灣汎乾隆三十二年改移何家澗

縣治水汎分隸南湖安慶二營會哨以小孤山為界第

安慶水師營距小孤一百八十里兵目設有弛縱耳目

難週洵屬鞭長不及且以江南之兵防江西之汎縣營

不相統轄亦難取指臂之效是以邑令李松泰建議請

撤回皖兵另於南湖營撥兵防守尋以兵不敷撥議格

不行事雖未就識者趨之至各水汎向多草房葦壁僅

大江東南岸瓦房七所年久朽損乾隆二年邑令李松

泰以兵丁難於棲止爰新建造營房三十九間並柵欄

烟墩牌坊等項捐廉四百五十餘金至今賴之 舊志

按乾隆二十六年安慶營所轄六汎改歸南湖營撥

兵防守足徵李公遠識

民壯原額五十名工食見食貨志雍正七年內裁二十名乾隆六年續裁一十名乾隆十三年又裁五名實存設一十五名

內弓箭手八名烏鎗手七名  
軍器大纛旗一面 小旗四面 烏鎗七桿 弓箭八副  
腰刀八口

坊表

宣功坊 通縣治

五柳坊 因靖節名

明倫坊 舊文廟前

普明坊 縣治南

靖節坊 舊淵明祠前

思賢坊 元時社學前

崇儒坊 舊儒學前

騰蛟坊 舊學右

起鳳坊 舊學左今合為一坊儒學櫺星門外

孝感坊 儒學右

澄清坊 通按察分司後改肅清

迎恩坊 通察院

旬宣坊 通布政分司

朝宗坊 縣治東以上各坊今廢

陶狄流風坊 縣市中

靖忠坊 三賢祠前

千佛坊 通普明寺

都憲坊 為都御史黃信立

都諫坊 為給事中劉昱立

賓賢坊 為舉人張克敬立

繡衣坊 為御史周泰亨立

攀桂坊 為舉人歐陽暹立

擢秀坊 為舉人歐陽昕立

登俊坊 為舉人宋濟立

經魁坊 為舉人江淪立

驄馬坊 為御史張紳立

步月坊 為舉人曹遜立

進士坊 為進士劉鐸立

都諫坊 縣市中城隍廟右為給事中丁湛立

父子進士坊 為進士曹文緯父子立

兄弟進士坊 為進士陶欽夢欽立

總憲尙書父子進士坊 為進士曾璠曾省吾立

元戎坊 為鎮守陝西等處總兵官左軍都督黃明臣立

貞節坊 在計家巷為庠生計如玉妻謝氏立

貞節坊 在計家巷為計成能妻王氏立

貞節坊 在縣前大街為陶欽民妻江氏立

貞節坊 在三十都定山鄉為陶養化妻時氏立

貞節坊 在三十都定山鄉為廩生丁與祺妻陶氏立

國朝

百歲坊 在縣治土地祠前為者民汪汶明立

節孝坊 在賓日門外武廳側為凌基元妻歐陽氏立

節孝坊 在拱辰門內西右為洪自許妻歐陽氏立

節孝坊 在拱辰門內西左為朱昌邦妻丁氏立

節孝坊 在項家山為項秉芳妻汪氏立

節孝坊 在三都柯姓宗祠側為生員柯在揚妻屠氏立

烈婦坊 在馬當鎮為胡文光妻汪氏立

節孝坊 在二都狄公祠門首左側為生員歐陽瑛妻張氏立

節孝坊 在二都將軍廟側為職貢生歐陽瑜妻汪氏立

節孝坊 在二坊諶姓住所大路側為諶煥子妻歐陽氏立

節孝坊 在二坊涼亭大路側為方學龍妻項氏立

節烈坊 在十三都六山壠本氏墓前為胡瑞節妻王氏立

百歲坊 在三十都劉像本宅左側為劉爾宜妻魏氏立

津梁

田地坐落開后

- 一買坐落張家壠塘上第貳號田壹畝伍分
  - 一買坐落韓家壠塘下第伍號田壹畝伍分
  - 一買坐落大壠西楊塘墾下第壹號田壹畝貳分
  - 一買坐落楓樹壠蓮塘下第伍號田貳畝壹分
  - 一買坐落瓦庄壠塘下一連貳號田共貳畝叁分
  - 一買坐落中嘴坂田壹號計捌分
  - 一買坐落大壠岡地叁號共計叁畝
  - 一募捐坐落涼亭邊地壹號計八分
  - 一募捐坐落湖東白石山南邊高低田叁號計貳畝捌分
- 又地十壹號共計肆畝

母鯉港渡縣西十里

柘林嘴渡方湖內縣治西南二十里

畢家渡劉智湖下縣西二十五里員生黃啟元捐造渡船一

隻行人利之乾隆二十八年劉永富員生裔員全珮光潤員生炎

魁等捐置田地五畝九分茅屋三間并堂屋山基聽舟子

居住耕種南岸涼亭一所內有碑鐫劉氏義渡後啟元之

子員生黃麟翔捐田三畝坐落毛家堰貼造船費府志遺載

劉智湖渡縣西南三十里

汪家義渡縣東三十五里乾隆十一年生員柯在掄儒士

宋九升等募眾姓約千餘金造渡船大小二隻西岸涼亭

一所置有田地庄屋具詳勒碑永遠修造以垂不朽

田地坐落開后

- 一買坐落張家壠塘上第貳號田壹畝伍分
- 一買坐落韓家壠塘下第伍號田壹畝伍分
- 一買坐落大壠西楊塘下第壹號田壹畝貳分
- 一買坐落楓樹壠蓮塘下第伍號田貳畝壹分
- 一買坐落瓦庄壠塘下一連貳號田共貳畝叁分
- 一買坐落中嘴坂田壹號計捌分
- 一買坐落大壠岡地叁號共計叁畝
- 一募捐坐落涼亭邊地壹號計八分
- 又地十壹號共計肆畝

一募捐白石山東岸高低田十號共陸畝陸分捌厘又地十五號共計柒畝捌分又庄基菜園壹分伍厘

先年質押田租銀貳百貳拾兩後原價贖取將銀置業開后

一買坐落黃荆上坂田壹號計貳畝

一買坐落上白關坂田捌號共計貳畝伍分

一買坐落罌老店陳墩後地貳號共計壹畝伍分又乾田壹號計壹畝又地壹畝零伍厘

兩岸田地共計肆拾貳畝陸分捌厘科米壹担陸斗零柒合有零立汪家義渡册名完糧脩大小渡船貳隻每年租利以供渡費設亭一所一切好善樂施姓名銀兩銘諸碑

石以垂不朽

小關口渡縣東二十里

段港河渡縣北九十里

大埠頭義渡在縣東三十里大泊湖康熙三十六年監生舒惟夏建造大小渡船二隻木橋二十七截捐置田地庄屋以資修葺縣府申詳布政刁旌以功存利涉總督趙旌以利涉通津

見雍正十一年義渡實錄

附載義田義房併基址庄屋田地號畝坐落開后

一買馬當鎮礮南店屋一所前後四重又屋後隔街院子一個共計基田壹畝陸分

一造方家灣庄屋壹所叁間貳廂左右餘屋六間堆貯木

橋屋二間基址在後開地內科米

一買方家灣干田陸地共貳拾貳號計干田陸畝柒分計陸地壹拾壹畝柒分 塘貳分柒厘

一買方家灣秧田壹號計五分

一買師姑壠水田貳號計柒畝

一買蔡家埠湖田貳號計壹畝貳分

以上監生舒惟夏捐置 乾隆庚子年惟夏孫監生舒杰續捐置田地號畝坐落列后

一買師姑壠水田貳號計叁畝捌分塘壹口

一買椿樹壠水田壹號計四畝柒分

一買方家灣陸地陸號計四畝叁分塘壹分

- 一買破屋林陸地四號計柒畝壹分
- 一買蔡家埠陸地壹號計貳畝五分
- 一買內湖西邊岸陸地壹號計壹畝
- 一買詹家屋後陸地壹號計叁分五厘
- 一買詹家屋後陸地貳號計伍分
- 一買詹家下邊大路陸地壹號計五分
- 一買詹家屋後干田貳號計貳畝叁分
- 一買黃牯壠南岸干田壹號計叁分
- 一買黃牯壠南岸陸地壹號計捌分
- 一買黃牯壠陸地壹號計壹畝叁分
- 一買甘冲壠干田壹號計肆分

- 一買甘冲壠陸地貳號計玖分
  - 一買老虎壠陸地壹號計五分
  - 一買寨杆下陸地壹號計捌分
  - 一買長嶺頭陸地貳號計貳畝壹分
  - 一買夏家邊陸地肆號計叁畝壹分
  - 一買林家塆陸地壹號計叁分
  - 一買蔡家埠草湖叁片計得貳拾捌股之叁
- 每年草課銀叁分在賣人戶內完納

總前共計義水田壹拾陸畝下湖田壹畝貳分 共計  
 義干田壹拾壹畝叁分塘叁分柒厘 共計義陸地叁  
 拾柒畝柒分伍厘應科額米貳担貳斗貳升柒合陸勺



玖抄貳撮伍圭另編義渡戶冊完糧

李祖旦碑文歲癸丑我

皇上御極之十一年也乘乾致治紀綱秩然濟人利物不遺細微而關渡要津尤加整飭故春流飛舶水涸成梁雖有鄭相之車蓋久已無煩利載矣彭邑依山濱水溪泊爲多而最險要者惟三都馬當之大泊湖時而洪波泛漲欲褰涉而難前時而帶水消涸縱芥舟而莫用苟非舟梁並設措置猶踈越後予因公適過其處惟見波濤萬頃一望茫然徐而一葉輕舟遙棹以待予異而問之則曰此徽郡舒惟夏之捐貲也每歲造舟駕梁傾囊以給弗吝也又爲善後計置房市產收租修補

陳二公記之甚悉余聞嘆

賞久之索覽碑記良然音榮公曰世喜言無好人三字者自賊者也今觀惟夏之願力遠大善行寧可量哉幾欲贈片言獎勵爲彭邑人士倡而未遑也適今惟夏年老將歸邑中諸士民咸請申詳以爲好善樂施者勸而惟夏亦呈請以所置田房而欲壽之石更又陳明當日共事有二兄俾欲共表其善且曰老輩耄矣第懼身後子若孫不體予三人苦衷或生異議而廢厥志也嗚乎噫嘻人固有慕仁強義銳志當年而衰於末路者惟夏竭力生前更欲長留身後何好義樂善之無窮耶余益喜爲書允其請而先爲之記俾後之君子同爲護持庶不虛

陳二君之嘉予諸

紳士之懇誠是則予之志也夫

月山墩義渡故屯田壹拾伍畝坐茶山後鮑家壠一連三十三片又何家壠民田二片計貳畝壹分又細灣地五片計貳畝又舊涼亭基地一分

芙蓉墩義渡縣西十五里

上有隄往來孔道植柳以愆行人嘉慶間稟縣立碑永禁魁伐

柯友桐記滄海桑田原有天地之變遷積石龍門端賴人事之補救彭邑澤國也山叢於內江走於前自縣治沿江而上十里許東南山溪泉派之水滙爲方湖湖之下東有青山頭西有芙蓉墩相對成峽墩之下地連得勝洲湖水自峽口出由洲之內山之外注溪北流繞鐵爐山鍾子磯至城西鏡子山與西門胭脂港之水會胭脂港外有洲亘江而上水復西流約八里許至陞官口入江鏡子山下溪

舊立有官渡西南往來者多由芙蓉墩得勝洲至官渡而濟康熙年間陞官外洲漸次沒江近年以來得勝洲地亦崩瀉殆盡至是山溪之水與湖水至芙蓉墩徑直入江當夫江涸則湖水衝以出湖涸則江水溢以入至春漲夏湧大溪泛濫水勢浩瀚風號怒生浪翻波湧當之者靡不胆戰心驚動色相戒矣夫以此地爲邑里四達之衝在官者驛遞孔道郵站要途在民者負販奔走熙攘往來刻無停息行者旣無舟子之招又非杠梁可施只藉漁舸小艇往往招呼莫應卽應亦故作留難重索多載蟻視生命覆溺時聞此地爲黃土港稅課水利糧冊之地衆姓業甲目擊心傷咸願損貲造舟立渡雇工撐駕永不索錢庶可易危

而安又慮舟楫易朽工無常食難垂久遠於是各魚戶共捐銀四十一兩買本洲課地四十四畝又捐鐵爐山以至芙蓉墩頭網埠止水面港涯督埠議舉一人總理其事因柯氏爲漁戶之首咸推柯子會謀以董之復訂緣簿各領募化其捐貲置之業產收其籽粒以足工食以資修理且可增厓路以脩江泛立亭舍以避風雨規畫誠善也於是鄉之紳衿子民等請之 邑侯李公欣然稱爲義舉詳之 上憲立案以重其事錫之嘉名勒石以揚其休曰芙蓉墩義渡無何募化之舉所領緣簿五十四本止十三本繳完而簿之所載收銀二十四兩二錢會謀不甘半途而廢毅然獨任自爲籌產變價二十一兩又續置洲地九畝

七分以足贍工修理之費夫修理橋梁道路王政也亦功德也况上有濟川舟楫之大人鄉有濟人利物之義舉是不可以無紀今將所置船隻工價洲地亭舍與捐助銀兩姓名臚列鐫石垂之永久俾後同鄉之士覽之共識地產不致失業修其敝壞不致阻行庶續其義舉於不朽云是爲記

計開地片畝數於后

一得勝洲黃字七號周元白課地六片

又同號黃健能課地二片

又同號汪朋飛課地二片

共課地十片計丈四十四畝共價銀肆拾壹兩正係乾

隆八年買受陶鍾萬珍萬之業

一續置芙蓉墩課地柒片計丈九畝柒分價銀貳拾壹兩正買受劉永安之業

固夫灘義渡又名昔濟渡縣東二十里嘉慶十二年舉人汪占魁廩生凌瀚等募置船隻買田十五號計十六畝六分地十七號計十三畝六分坐落方家村并田埠嘴庄屋一重外小桂凌守信公捐田貳號計一畝四分坐落方姓門首大桂凌守讓公孤峰公共捐田壹號計壹畝坐落方家村卓里劉永良公捐田一號計一畝坐落劉姓門首大坂每年取租以爲完糧修船渡夫工食之資

知縣鄒文炳募修引蓋聞大川利涉一葦亦可以航彼岸誕登無船不能飛渡彭邑濱臨大江有名南田坂方家湖等處每當春水漲發一片汪洋行李往來輒起褰裳之嘆洪波浩淼嘗虞滅頂之凶行道咨嗟居民太息茲據舉人汪占魁等謁予而言曰通津孔道而不爲廣設舟航非所以便行人也險要洪流而不爲永圖利濟非所以體

皇仁也魁等不自揆欲襄此義舉自維力薄不敢獨任而爲之倡公其成魁等之志予心實嘉之廼告之曰興利便民有司之責也子之志詎非予之志但予之力亦如子之力其如之何雖然志切利生情殷濟物凡人同具此懷子其持予之說告諸賢紳士必有踴躍奮迅慷慨以赴之者蓋此志之同固如桴鼓之應也因不辭譎陋而爲引

太平義渡縣南四十里嘉慶五年募化各鄉士民捐貲建立公買九衛楊園太戶田地米壹石柒斗貳升伍合南衛王宏道戶田地米貳石零貳升玖合肆勺每年收租爲完糧造船撐駕之資

閑家橋縣治南山川墾右

上高橋五柳鄉去縣八里明正統間知縣鄧周張顯命耆民計琦王爵等建萬厯癸卯朱振孫大方重建后朱有珍重修

中高橋五柳鄉在上高橋下一里

楊家塘橋新南倉田址之左明成化間知縣楊玠建宏治間知縣王琦建嘉靖間蘇人徐廣重修本府通判莊壬春

記萬厯乙亥南鄉士民復修知縣雷時敏記乾隆庚戌年南鄉首士勸捐重修

易家橋楊家塘南明洪武間耆民劉榮叔建成化間鄉民劉江修正德間知縣胡輔重修

思賢橋舊縣梁公祠西元進士易之亭建

富溪橋五柳鄉元至正鄉民祝均祥建明宏治間耆民何勝劉春賜修

白蓮橋五柳鄉明宏治間鄉民何文移何器建

分水橋五柳鄉縣南五十里耆民何文獻建

官步橋縣南六十里

黃潦橋五柳鄉縣南十里

黃荆橋五柳鄉縣東十里順治乙未年舉人周易元重修  
黃板橋在縣南離城十里十三都監生汪鑑沅於乾隆十  
六年捐金百餘兩修砌橋頭路一條後黃花坂汪姓捐費  
重修橋路

北塔橋五柳鄉元至正間楊氏建乾隆間汪漢友邀眾重  
修有碑記

上新橋五柳鄉縣南三十里元至正間洪禹範建明嘉靖  
間僧圓隆修後屢傾圮王龍友於乾隆四年獨力續修費  
金數百隨圮其妻劉氏變產重修以繼夫志乾隆辛卯年  
監生高策捐貲重修橋頭建涼亭一所立有碑石橋今圮  
章添橋縣南三十里

馬步橋五柳鄉今屬湖口界

慈善橋峽山嶺下

書岡橋摩旗坂

大港橋建安鄉縣南四十五里明成化間鄉民朱紹建

高坂橋石壁山明嘉靖間鄉民程曰富重修

楊梓橋建安鄉縣南六十里

汪冢橋浮雲墩西

仁溪橋五柳鄉縣西三十里

三陂橋縣西六十里明洪武間鄉民張世俊建

懸魚橋縣治南六十里

善心橋建安鄉縣南八十里

甘露橋建安鄉縣南八十里明成化間李門節婦陳氏建  
上通楊梓橋

石澗橋邑厲壇後明天順典史李紀建

閩家橋縣治東一里明成化間僧覺裕修

土橋縣東十二里

羅家橋縣東七里許元至正鄉民歐陽梅隱建明宏治間  
鄉民劉上珍修

曹家橋縣東十八里許明正德間鄉民周濟建

塔水橋縣東二十里明洪武間鄉民沈處賢建

黃土橋六都明天順間歐陽鑑建歲久傾圮嘉靖壬寅者  
民劉湖捐貲重建并修其路高丈餘廣八尺長一里許運

石壘砌三年始成僧圖覺董其事

北龍橋新興鄉縣治東北二十里在二都北寨鄉者歐陽  
邦彥建

沈灣橋縣東五十里明嘉靖丙午耆民劉廷槐捐貲建

女兒橋九都寨口

大埠橋五都明正德間鄉民王彥文建

張家橋一都離城七里

月宮橋一都分水嶺縣北八里許閩邑建砌

下新橋縣東山林港鄉者鄔兆麟饒士月兄弟同建乾隆

丁亥年舉人劉日省凌該生員會懋監生饒薦宋權鄉者  
鄔明珍陳鑑謨等勸輸重修知縣高尚禮有引嘉慶己卯  
年鄔銜後裔同監生何瓊枝及眾姓重修

關緣橋縣治北柳林下生員朱有珍勸捐重修

蜚英橋縣東七十里太平鄉九都嵐陵張氏衆建有碑記

懷圮橋縣東七十里太平鄉九都嵐陵張氏衆建有碑記

上有涼亭三間

永濟橋在太平坂

高樂橋縣南十五里長嶺寨

許家橋縣西二十里獨山寨

梅源橋在九都太平鄉三甲梅源張姓所建爲本屋水口

關鎖

守安橋在四都周家鋪生員周中規建

汪聖橋縣東七十里陰山寨監生張文儂建

媽媽橋縣南四十里

烏沙橋縣東北二十里

穎川橋在十二都陳鑑謨造

雙港橋在八都金盤山前饒姓建監生饒嵩修

雲心橋在六都方姓門首劉惠蘭妻節婦方氏建

綏安橋在新興鄉十二都白土坂乾隆十八年曾遂盛建

十九年洪水傾決復捐百餘金率弟卜蕃姪上作重建

同善橋在龍門均內青山灣曾遂盛偕卜蕃上作邀族建

永濟橋在株木冲曾遂盛建

陳伯港橋十三都生員汪在巖捐建

光舖橋二十五都富鄉坂縣治南八十里明儒士楊楠建



桃源橋在二十五都縣治西南八十里生員黃泰臨重修  
劉家橋在二都下莊坂城東二十里橋始建於上游天啟  
間生員劉師善改建於此順治十六年劉孔彥師楨師祥  
重修後師祥孫生員道雯監生東瞻父子繼修乾隆二十  
七年生員劉之瑚重修有碑

周家湖石橋離城二十里在三都鄔文會建

合志橋在二十都長村方立嵩邀眾建

百穀橋建安鄉縣南八十里二十五都富鄉坂生員楊振

貢生楊拱泰兄弟建

洞橋在四都馬家坂何永歷捐址眾建

計家橋在縣南離城八里

沈家橋縣東八里陽華殿之母沈氏造

萬家橋縣東十五里陽華殿建

玉溪橋在六都冷田源書室前李思誠建

傅家橋石洞三眼建安鄉二十五都縣南七十里傅灌濱

募建爲都昌湖口通衢

白家林橋張學宜張嘉瓊邀眾同修

橫山橋一座三洞在八都金伯信建

永濟橋在二十都縣南八十里上距湯梓橋六里下距蕭

家嶺五里乾隆十九年建

詹家橋在三都詹家湖鄉賓詹學超建乾隆二十年曾孫

濟康萬里重修

馬營大橋衆姓建嘉慶二十二年重修

青山壩橋去縣治二十五里三都歐陽源鎮源銘捐貲建  
趙元橋在十二都姚家坂橋西有洲蓄樹

澌村橋在六都發洪嶺西嘉慶十九年監生凌霄捐田六  
畝七分五厘爲修橋渡船之費

一大桃源口廟墩側田三分

一全處田四分

一全處田壹畝

一大桃源口吳家山下田七分

一全處葫蘆坵田壹畝

一華家山下三角坂田七分五厘

一園村寺門首田粘連三坵共計二畝六分

金鈎橋十三都離縣十六里

郭家橋在十二都通徽饒孔道衆姓建

定心橋十三都神童嶺朱姓門首兩岸古木陰濃行人憩  
息賴焉

上北斗橋在十五都去城二十五里汪育春捐貲修建

澄明橋十三都縣南十五里一連二座

廟灣橋九都嵐陵太平鄉

城暇橋十二都小嶺曾銘達裔孫建

永濟橋十二都壚峰口市下手衆姓建

救書港橋縣南三十五里五柳鄉理柵寨嘉慶八年貢生

項鸞捐貲建爲都昌鄱陽建德通衢

廣濟橋在建安鄉通徽饒路乾隆年間黃恒高邀衆同建  
萬載橋二十五都上潦洪口本里衆姓建

善心橋在二十五都富鄉坂徽饒孔道

石澗橋原名關綠橋在縣西三十里五柳鄉仁溪橋上

渡星橋在石澗仁溪兩橋之中徐汝潮建

陽鶴橋在三十都原名艾家橋前係木橋傾窄難行春夏  
水漲有墮橋而溺者二都監生歐陽循捐貲重建石橋

黃土港橋在二十都通湖口饒州要路乾隆五十二年監  
生柯儀鳳邀衆建

正覺寺石壩路周家槐捐修後裔繼續疊修

縣城東南嶺路生員姚俊捐貲修砌

沙塘灣路自校場口至油店角鄉農陳善培捐貲買石率  
其子親自修砌

下石峰嶺東西路職員歐陽裕周捐貲修換東建小涼亭  
有碑亭祀嘉慶丙子年衆姓重修

固林山東西嶺路危岫嶺東西路黃土嶺路職員歐陽裕  
周捐貲修俱有碑

清和亭在亂石灣口將軍廟下手曾遂盛建今圯

飲和亭在山林港新橋曾遂盛建嘉慶二十二年遂盛裔  
重修

高橋涼亭趙顯耀建

嘉澤縣志

卷之二

上石峰嶺涼亭

下石峰嶺涼亭胡楷建胡鐸繼修乾隆甲申年衆姓重修  
有碑

接龍亭在新興鄉二都烏沙橋頭邊者善歐陽自卓乾隆  
四年建造七年捐金百餘兩修砌亭北秋湖岡大路

四顧亭在九都李家嶺周汝金建

安瀾亭在四都大埠頭東岸葉廷柯捐基一所

山水亭在十二都新田坂孤山下康熙間者善曹欽瑞建  
迎送亭在四都相思嶺康熙年間計惟泰捐建

黃荆亭在縣東十五里

郵傳

龍城驛原設驛丞一員書手一名皂隸八名雍正八年全裁

原額差夫一百零五名半又協夫一十七名半全裁

嗣後差夫奉設五十四名雍正十一年奉裁一十六名現

存差夫三十八名

原額馬一十八匹嗣裁二匹乾隆十五年撥協萬安縣馬

四匹乾隆二十年又裁減二匹實存設差馬一十四匹

縣治驛道西抵湖口縣計程九十里自四月朔至九月

底東抵建德縣計程一百四十里十月朔至三月底北

抵東流縣計程一百二十里山路修阻兼多溪港支河  
每遇洪水迅流飛湍苦乏舟楫馬瘠僕痛所由來也是

在所司者加之意焉舊志

嘉澤縣志

卷之二

郵傳

七

縣站舊縣南十里元至正間提領宋仲遠馬貞建元末兵廢址爲民田

楊梓馬站新興鄉縣北四十里元至正初提領柯爲甫向

敏仁孫貴相繼修元末兵廢

其基址山地國朝乾隆間鄭源等控歸春衣書院

高塘馬鋪五柳鄉縣南五十里舊爲涪州置今廢

罡老店新興鄉六都

瓦店古爲樂城縣官道今廢爲民舍

總鋪縣前土地祠左

白楊鋪縣南十里

新橋鋪縣南二十里

青山鋪縣南三十里

太平鋪縣南四十里 以上通湖口縣

新興鋪縣北十二里

洪山鋪縣北二十里

走馬鋪縣北三十五里 以上通東流縣

鎮市

馬當鎮縣治北三十里江次

馬路口鎮縣治東二十里驛道

女兒橋市縣治東五十里

柳壘市縣治東五十里徽饒通衢

漢溪港市縣治東四十里驛道

段港河市縣治北九十里通水陸

黃土嶺市縣治南二十里驛道

橫山口市縣治南三十里驛道

大平關市縣治南五十里驛道

黃板橋市縣治東南十二里

時家渡市縣治西四十里江次

金剛料市縣治江北二十里

黃土港市縣治南七十里通饒郡

石澗橋市縣治西三十里

段家店市縣治南七十里通徽饒路

補遺

丁家亭在十二都堰塘丁榮建

